

Aralin **3** PAG-IWAS SA BIRDFLU



Tungkol saan ang modyul na ito?

Sa araling ito malalaman mo ang mga dapat at di-dapat gawin upang maiwasang mahawa ng birdflu. Ito rin ang tumatalakay sa mga wastong hakbang na dapat gampanan ng mga awtoridad upang mapangalagaan ang kapakanan ng bayan tungkol sa isyu ng sakit na birdflu.

Pagkatapos mapag-aralan ang araling ito, magagawa mo na ang sumusunod:

1. nakatutugon sa ideya at damdamin ng iba;
2. nakasusunod sa mga babala at tagubilin ukol sa paraan ng pag-iwas sa birdflu;
3. nakasusulat ng mga pangungusap nang wasto at malinaw;
4. nasusuri ang mga paraan kung paano maiiwasan ang sakit na birdflu; at
5. nakalulutas ng tatlong didyit na numero gamit ang pagdadagdag



Pag-isipan Natin



Sagutin ang mga tanong. Isulat ang sagot sa sagutang papel.

1. Ano ang ipinapakita sa larawan?
2. Ano ang ginagawa sa mga pumapasok at lumalabas na kargamento?
3. Bakit kaya kailangang siyasatin ang mga kargamento?
4. Kung ikaw ang may ari ng kargamentong sisiyasatin, magagalit ka ba? Bakit?



Basahin Natin



Ako po si Ginoong Roxas
na may ari din ng manukan.
Ibabahagi ko sa inyo ang aking
natutuhan kung paano
makaiiwas sa sakit na
Birdflu.



1. Iwasan ang magtakas o magdala ng apektadong ibon.
2. Umiwas sa mga lugar na kanlungan ng mga migranteng ibon.
3. Panatilihin ang kalinisan sa paligid.
4. Gumawa ng kulungan ng mga manok at ibon, huwag hayaang gumala ang mga ito.
5. Iwasang makahalubilo ang mga bibe sa bakuran o lugar na hinihimpilan ng mga ibong ligaw.
6. Ilayo ang mga bibe at manukan sa mga ibong gala o ligaw.
7. Huwag bumili ng mga buhay na manok sa palengke.
8. Huwag hulihin ang mga ibong ligaw.
9. Huwag ihalo ang mga manok sa mga hayop na may apat na paa.
10. Bantayan ang mga daungan, paliparan at mga lugar na bukas sa pandaigdig na ruta.



Subukin Natin

Isulat sa kanan ang mga dapat gawin at sa kaliwa naman ang mga hindi dapat gawin upang makaiwas sa birdflu. Isulat ang sagot sa sagutang papel.

Dapat Gawin	Hindi Dapat Gawin
1.	1.
2.	2.
3.	3.
4.	4.
5.	5.

Sumangguni sa Susi ng Pagwawasto pahina 52.



Alamin Natin

Piliin sa loob ng kahon ang tamang kahulugan ng mga salita.
Isulat ang sagot sa sagutang papel.

1. Apektado _____
2. Migrante _____
3. Ibong ligaw _____
4. Daungan _____
5. Panganlungan _____

Ibong mailap

Manlalakbay

May taglay na sakit

Lugar na hintuan ng barko

Pahingahan/pinupuntahan



Tandaan Natin

Mga alituntunin para sa tagapag-alaga at humahawak ng mga manok at ibon.

- Ihiwalay ang manok sa ligaw na ibon na naglalagi sa dagat at tubig.
- Limitahan ang mga taong pumapasok sa manukan.
- Regular na linisin ang kulungan ng mga alagang ibon at manok.



Kwentahin Natin

1. Si Mang Ian ay may 60 inahin at 76 na tandang . Ayon sa balita, lahat ng alagang manok ay papatayin kung tatamaan ng birdflu. Ilan lahat ang manok na papatayin ni Mang Ian kung tatamaan ng birdflu ang kanyang manukan?
2. Si Kapitan Santiago ay may alagang 206 na bibe. Siya rin ay may alagang 175 na itik. Ilan lahat ang alaga ni Kapitan Santiago?

Sangguniin ang Susi ng Pagwawastosa pahina 52.

Alamin ang iyong natutuhan

Isulat sa sagutang papel ang **T** kung tama ang pangungusap at **M** naman kung mali.

- _____ 1. Maaaring pagsamahin sa kulungan ang mga alagang ibon at ibong ligaw.
- _____ 2. Hulihin at alagaan ang mga ibong ligaw.
- _____ 3. Bantayan ang mga daungan, paliparan, at mga lugar na bukas sa pandaigdig na ruta.
- _____ 4. Ang paghuli sa mga migranteng ibon ay isang paraan ng pag-iwas sa pagkakasakit ng birdflu.
- _____ 5. Kinakailangan ng malinis na kulungan at tirahan sa ating mga alagang ibon.

Sumangguni sa Susi ng Pagwawasto sa pahina 54.